

ESENCIA UN EXPOSICION DI RENWICK HERONIMO

ORANJESTAD (AAN): Diabierna awor 18 di augustus pa 8'or di anochi, lo tin apertura di e exposicion titula "Esencia". E exposicion aki ta ser teni den Galeria Eterno den Emanstraat, di 18 di augustus pa 2 di september. "Esencia" ta obra di Renwick Heronimo, kende hunto cu dos otro artista, Osaira Muyale y Giolina Molina, na 1994 a crea Galeria Eterno. Den pasado por a mira diferente obra di Renwick Heronimo den exposicionnan colectivo, como tambe diferente decor di teatro cu ela diseña. "Esencia" ta su prome exposicion individual. E exposicion lo consisti di pinturanan abstracto y dos instalacion.

Maske Renwick Heronimo ta creador di "Esencia", ta Aruba ta para central den e exposicion aki. Diferente aspecto di nos isla manera naturaleza, historia y cultura ta haya un lugar masha special den e exposicion. E his-

toria natural rico y varia di Aruba ta ser refleha den mayoria di e obranan. Asina tambe e diversidad cultural di Aruba y e historia, poco conoci pero, fascinante di nos hendenan ta domina. "Esencia" pues ta un descubrimiento y alavez un reconocimiento di tur cos cu Aruba ta significa pa e artista y pa hopi di nos.

Realizacion di e exposicion a ser haci posible cu financiamiento di e fundacion hulandes Artimo, di UNOCA y cu contribucion di Interbank, Garage Cordia y Aruba Trading Company.

E exposicion lo ta habri di 10'or di anochi tur dia. Tur hende ta ser invita pa bishita e exposicion "Esencia" na Galeria Eterno. Schoolnan secundario cu kier bin mira e exposicion ta ser pidi pa haci un cita na telefoon 39484 pa nan por ricibi e atencion adecua. Galeria Eterno ta situa entre Island Finance y Mai Store, den Emanstraat.